



Te Reo Rangatira Tau 0-6

Ngā āhua i kōrero mai ai koutou me ngā āhua i whakahoki ai mātou

Ihirangi

Te take o tēnei pūrongo.....	1
Te whakawhanake i te wāhanga ako	
Te Reo Rangatira.....	2
Te hunga i uiuia e mātou.....	3
Ngā āhua i rongō ai mātou.....	3
Ngā āhua i rongō ai mātou: ngā painga o te wāhanga ako kua whakahoungia.....	3
Ngā āhua i rongō ai mātou: te pēhea o ā mātou urupare.....	4
Ki hea kitea ai ngā kōrero, ngā aratohu, me ngā rauemi.....	4
Ngā angawā.....	5

Te take o tēnei pūrongo

E rua ngā tuinga marautanga kei roto i te marautanga ā-motu, ā, ko *The New Zealand Curriculum* tētahi, ko *Te Marautanga o Aotearoa* tētahi ka whakamahia ki ngā kura me ngā kura arareo e reo Māori ana ā rātou whakaakoranga.

Ka whakauruuru *Te Marautanga o Aotearoa* i tētahi kitenga me ngā mātāpono mō te whakarauora i te reo Māori me te kōkiri i ngā kuranga kairangi, angitu hoki mō ia mokopuna i ngā kura e tohu ana i te mana motuhake o te ao Māori, e whakataki ana hoki i ngā akoranga mā te reo Māori. Nā konā, e noho ana Te Tiriti o Waitangi ki te pito tonu o *Te Marautanga o Aotearoa*.

I *Te Marautanga o Aotearoa* ka kitea te tikanga o te whakawhiwhi a ia mokopuna ki ngā hāpai e eke panuku ai ia ki ōna ake pito mata, te ako rumaki hoki kia riro ki a ia ngā pūkenga o te reo, ngā tikanga, me te mātauranga o te ao Māori. Ka whakaara ake tērā i ngā wheako me ngā mahi akoako o te akomanga me ngā horopaki whakaakoako, ki reira tautoko tonu ai i ngā kaiako e arotahi ana ki ngā akoranga whakahirahira me ngā horopaki haumako, ngā horopaki pakari hoki o te rohe kāinga, o te motu, puta atu ki te ao whānui.

E whakahoungia ana te marautanga ki tā te Māori titiro, ā, e mōhio ana, e rite ana hoki ki ngā whakaarotau a te kāwanatanga tae atu ki te ahurea o te reo me te ahurea Māori, me ngā wawatatanga o ngā whānau, ngā hapū, me ngā iwi mō te mātauranga e puakina ana ki te reo Māori.



Ko *Te Marautanga o Aotearoa* me ngā whakaakoranga kua whakahoungia (tae atu ki ōna wāhanga ako e waru me tōna anga) ka mātua whakaakona hei te tīmatanga o te tau 2027. Ka whanake, ka tuku hoki i ērā wāhanga ako i roto i te wā, ā, ko Te Reo Rangatira tau 0-6, Pāngarau tau 0-8 hoki hei mātua whakaako ki ngā kura ā te wāhanga tuatahi o te tau 2025.

I ngā marama o Akuhata me Hepetema 2024, ka tono mātou ki te rāngai kura kia whakahoki kōrero mai e pā ana ki te tauira o te wāhanga ako Te Reo Rangatira tau 0-6.

Kei roto i tēnei pūrongo te rāpopototanga o ngā āhua i rongō ai mātou me ā mātou urupare ki aua whakahoki kōrero mai.

Te whakawhanake i te wāhanga ako Te Reo Rangatira

Ka hāpai *Te Marautanga o Aotearoa* i ngā kura me ngā kura arareo ki te whakataki i ō rātou mana āhua ake. Otirā, e arotahi ana te whakahoutanga ki te whanake marautanga pēnei:

- › ko te science of learning te paparahi, ko te mātauranga ka haumako, ko ngā ritenga whakaako ka whakawhāiti i ngā taunakitanga, ko te whakamahī ka mahea, ka māmā hoki, ko ngā whakataurite ka whaitake puta noa ki te ao, ā, ko te tupu o ngā toi mokopuna ka hāpai.

Kua whakawhanake te Rōpū Tuhituhi Te Reo Rangatira kia whakahou i te wāhanga ako Te Reo Rangatira, ā, koia nei aua mātanga:

Ko Hineihaea Murphy	Kaituhi Matua: Tumu Kaitohu o Haemata, kairangahau, kaiaromātai, kaitohutohu o te Mātauranga Māori.
Ko Cath Rau	Kaiarataki mātauranga: Tumu Whakarae o Kia Ata Mai Educational Trust, Tumuaki o Te Kōpuku High.
Ko Frances Goulton	Kaiarataki mātauranga: Kaitohu o Aronui Limited.
Ko Rauhina Cooper	He tohunga wetereo: he kaituhi, he pouako, he kaitātaki ki ngā kura.

I te roanga o ngā mahi tuhituhi, whanake, uiui hoki, ka whakarato Te Tari Arotake (ERO) i ngā mahi motuhake ki te whakataurangi kounga. Ka tukuna atu hoki ngā tauira rauemi nei ki ngā kura i āta kōwhiria, ā, nā rātou i hāpai i te tukanga whakahoki kōrero. I te mahi hoahoa o *Te Marautanga o Aotearoa*, ka whai whakaaro anō ki te hoahoa o ngā marautanga me ngā mana whakahaere o ētahi atu iwi taketake kē.

Kua whai wāhi tērā ki te whanake i te hoahoa o te marautanga hei tautāwhi i ngā tumuaki me ngā kaiako, ā, mā rātou ā tātou mokopuna katoa e reo Māori ana ā rātou akoranga hei whakapiki ake ki ngā taumata o tutuki, o angitu.

Te hunga i uiuia e mātou

I noho tuwhera te uiuinga ki te hunga whai pānga putaputa i te rāngai kura, arā, ko ngā kura, ngā hapori kura, ngā rōpū tiro whānui, ngā tōpūtanga ā-motu, ngā tōpūtanga ā-kaupapa, ngā rōpū tohutohu, ngā whānau, ngā hapū, me ngā iwi.

I te marama o Hepetema 2024, i tono mātou i te hunga whai pānga o te rāngai kura ki te whakahou i *Te Marautanga o Aotearoa* me Te Reo Rangatira, ā, kia tukuna mai ō rātou māramatanga me ā rātou whakahokinga kōrero hei kōkiri ngātahi i te taura wāhanga ako e whai take nui ana ki ngā kura me ngā kura arareo katoa hei te tau 2025.

I whakarite i ngā āhuatanga tautoko mō ngā kura me ngā hapori kura ki te wetewete i te taura wāhanga ako, ki te matapaki hoki i tērā i roto i ō rātou hapori. Ka whakarite hoki i tētahi uiuinga hei hopu i te reo ake me ngā whakaaro o aua kura me aua hapori kura.

Ka tātari motuhake me te pūrongo rongo i ngā whakahokinga kōrero o te uiuinga e te Rangahau Mātauranga o Aotearoa (NZCER). Engari ko te tātaringa o ngā whakahokinga kōrero ka kohia i ngā huinga tāngata, i ngā huitopa hoki ka whakatutukingia e te Tātai Aho Rau Core Education.

Ngā āhua i rongo ai mātou

Ngā painga o te wāhanga ako kua whakahoungia

- 1 Ka nui te tautoko i te hanganga poutama.
- 2 He pīngore, he urutau hoki ngā rārangi kōrero.

He urupare ki ngā whakahoki kōrero

- 3 He hāpaitanga mō ngā mokopuna me ō rātou matea ako kanorau.
- 4 He aratohu mā ngā kaiako e pā ana ki ngā ritenga aromatawai.

Ngā āhua i rongo ai mātou: ngā painga o te wāhanga ako kua whakahoungia

- 1 Ka nui te tautoko i te hanganga poutama
 - › Kua āpiti atu ngā raupapa me ngā taura hei āwhina i ngā kaiako ki te whakamahere i ā rātou hōtaka whakaakoranga, hōtaka akoako, hōtaka aromatawai hoki.
 - › Kua hua ake he whakaahuatanga māhehe e pā ana ki ngā kawatau o ngā tūārere rerekē. Nā te hāngai o ngā whakahokinga kōrero i pērā ai te pūahoaho mai.
 - › Kua kite i te tīaroaro pai o Ngā Tohu Ako ki ngā kaupapa whakaaro o ngā kura, nō reira ka ngāwari noa te whakaururu ki ngā ritenga o ēnei wā tonu. Ka whakamahi mātou i ēnei mōhiotanga ki te hoahoa i ngā hāpai whakatinana mō te rāngai kura.
 - › Kua whakatakotoria he reo māmā, he rongo māhehe he āwhina i ngā kaiako ki te whai māramatanga ki ngā rārangi take me ngā tūārere. Ka whai take, ka hāngai rawa tēnei āhua ngāwari ki ngā kaiako tōmua nā te mea ka ngāwari anō ngā mahi whakaako me te whakatakoto mahere, ā, he hāngai pū. Ka whakahuatau anō mātou i te reo kia mauru ai te whakamahinga.
 - › Kua tautoro i Hei Tautoko I te Ako me ngā aratohu tikanga whakaako kia tūhonohono ki ngā mahi Rangaranga reo ā-Tā, tērā hātepe ā-tikanga ako mō te whakaako pānui, tuhituhi hoki (Tūārere 1-3).

- › Kua uru tahi i te Whakaako kia Whitiwhitia me te Whakaako Reo Whai Ngohe, arā, ngā tino ritenga o ngā tikanga whakaako reo ki ngā hua haumi o te herenga, e kīia nei, Kotahi Hāora ia Rā.

2 He pīngore, he urutau hoki te hanganga

- › Kua kite i te pīngore me te urutau o te hanganga e whai wāhi ai te kaiako ki te whakapaipai i ngā putanga mō ngā mokopuna, ki te āta tuitui hoki i ngā wheako o te ako e ai ki ngā matea motuhake o aua mokopuna.
- › Kua kitea te whai hua o te raupapa me te whakatauiria ki te aromatawai i te kauneke haere o ngā mokopuna.
- › Kua kite i te whai hua ikeike o ngā kīanga pērā i “Kei te ako au...” nā te mahea o te aratohu, nā te whakangāwari hoki i ngā whāinga ako, koia tonu e māmā rawa ai te whakaako a ngā kaiako me te tīaroaro tonu i ā rātou mahere.
- › Kua āpiti atu ngā upoko iti kia mauru noa te pānui me te wāwāhi tuhinga mō ngā pae ipurangi.

Ngā āhua i rongō ai mātou: te pēhea o ā mātou urupare

3 Hāpaitanga mō ngā mokopuna me ō rātou matea ako kanorau

- › Kua pēnei te whakatakoto o te anga kia whakatūturu ai i ngā matea ako i mua i te kauneke atu, me te hāpai hoki i ngā ara akoako kanorau.
- › I runga i te aroha kia whakawhāiti pea i ngā matea ako kanorau, kua aro pū ki te whakarite i te reo, ki ōna wāhi, kia mahea rawa te takune.
- › Kua āpiti he aratohu mō ngā kaiako ki te hāpai i ngā mokopuna me ō rātou matea ako kanorau ki te lho me Hei Tautoko i te Ako o te wāhanga ako. Kei konei hoki te hāpai mō rātou e mahi ana i ngā hangarau tautāwhi.

4 He ārahitanga mahea ake i ngā ritenga aromatawai

- › Kua āpiti he ārahitanga i ngā ritenga aromatawai mō ngā kaiako ki roto i te lho o te wāhanga ako.
- › Kua kite i te whai hua o te raupapa me te whakatauiria ki te aromatawai i te kauneke haere o ngā mokopuna.

Ki hea kitea ai ngā kōrero, ngā aratohu, me ngā rauemi

Ka kite i te wāhanga ako Te Reo Rangatira kua whakahoungia ki te hononga **Tāhūrangi | the Online Curriculum Hub**: [Te Marautanga o Aotearoa](#).

E whakawhanakehia ana te whānuitanga o ngā aratohu me ngā rauemi hei tautoko i ngā mahi whakatinana i te wāhanga ako Te Reo Rangatira kua whakahoungia. Ka āta tohatohangia ēnei haere ake te wā.

Ka kitea e koe ngā mōhiotanga e pā ana ki ngā rauemi hou me ngā hāpaitanga ki tēnei hononga: [Supports for implementing curriculum and assessment changes](#).

Me waia haere koe ki [te reo matatini resources](#) ki ngā [Rangaranga Reo ā-Tā information](#) hoki o ēnei wā hei tautoko i tētahi hātepe whakatakoto i te whakaako nā te mea e noho wātea ana me te utukore.

Hokona ngā rauemi reo matatini, pānui, tuhituhi hoki hei tautoko i tētahi hātepe whakatakoto ki te whakaako mā te whakapau i te tahua pūtea kua whakaritea: - he itinga \$500 piki ake ki te \$5,000 ki ia kura, hei ia tau, mō ēnei tau e whā e tū mai nei: <https://tahurangi.education.govt.nz/sla-trm-resource-funding>.

Tirohia tēnei hononga mō ngā mōhiotanga e pā ana ki ngā kaupapa whakangungu i ētahi hātepe whakatakoto o te pānui me te tuhituhi: [PLD for structured literacy & te reo matatini approaches – Professional Learning & Development](#).

Ngā pukapuka tautoko i te Rangaranga Reo ā-Tā

Ko ngā rauemi ako pērā i te kāhui Pīpī Pānui, Ngā Kete Kōrero, ngā hautaka Rārangi Pukapuka, me ngā rauemi tautoko mā ngā kaiako ka taea te whakamahi hei tautoko i Te Reo Rangatira tau 0-6.

Kitea ai ki konei:

- › [Pīpī Pānui](#)
- › [Ngā Kete Kōrero](#)
- › [Rārangi Pukapuka](#)

Ngā angawā

Ka mātua whakamahi i ngā rārangi take o Te Reo Rangatira hou, tau 0-6 me Pāngarau hou, tau 0-8 hei te Wāhanga Tuatahi o te tau 2025. Engari ka haere tonu tā tātou mahi tahi mō ngā kōrero. Mōhio pai ana mātou he tirohanga anō ōu, he wheako anō āu hei kōrero mai kia hua ake ai ngā kōrero ki roto i ō koutou akomanga.

Me rite ngā kaiako tau 7-13 mō Te Reo Rangatira me ngā kaiako tau 9-13 mō Pāngarau, mā reira kite ai i ngā tauira o ēnei tauākī marautanga i ngā marama moata o te tau 2025 mō ngā mahi whakahoki kōrero mai.

Hei te kapinga o te tau 2025, ka tuku atu te Minita o te Mātauranga i te whakaotinga o te wāhanga ako Te Reo Rangatira tau 0-13 me te wāhanga ako Pāngarau tau 0-13 hei whakatinana ā te tau 2026. Ka whakatōpū ērā i ngā menemana o Te Reo Rangatira tau 0-6, o Pāngarau tau 0-8 hoki hei urupare i ā koutou whakahokinga kōrero ka whiwhi ai mātou i te roanga o te tau 2025.

Tāria te tau 2025, ka puta ai ētahi atu wāhanga ako, arā, Pūtaiao me te Hangarau, Waiora, Toi Ihiihi, Te Ao Māori, Ngā Reo, Te Reo Pākehā hoki, kātahi ka horahia mai te katoa o te anga marautanga mō *Te Marautanga o Aotearoa* ki ngā kura me ngā kura arareo hei whakamahi, hei whakapai ake, hei whakamātau, hei whakahoki kōrero aromātai tonu i te roanga o te tau 2026. Mā konā whai wāhi ai ngā kura arareo ki te tūhura me te waia haere ki te anga me ngā wāhanga ako i mua rawa i te putanga o ngā herenga ōkawa ā te wāhanga tuatahi o te tau 2027.



**Te Tāhuhu o
te Mātauranga**
Ministry of Education



**Te Kāwanatanga
o Aotearoa**
New Zealand Government